






韓文卷之四

古詩

劉生詩



生名師命其姓劉自少軒輊非常儔葉家如遺來遠游東  
 走梁宋暨揚州遂凌大江極東陬洪濤春天禹穴幽越女  
 一笑三年留南逾橫嶺入炎州青鯨高磨波山浮怪魅炫  
 曜堆蛟虵山慘驢謹譟猩猩游毒氣爍體黃膏流問胡不  
 歸良有由美酒傾水角音肥牛妖歌慢舞爛不收倒心迴  
 腸為青眸千金邀顧不可酬乃獨遇之盡綢繆瞥音然一  
 餉成十秋昔鬚未生今白頭五管歷徧無賢侯迴望萬里  
 還家羞陽山窮邑惟猿猴手持釣竿遠相投我為羅列陳





前修艾蒿斬蓬利鋤耨天星迴環數纒周文學穰穰困輪  
切倉稠車輕御良馬力優叫哉識路行勿休往取將相酬  
恩讐劉在後有省有名聲優甚之百品列相存身美圖之可利之權也

鄭羣贈箏

蘄州笛竹天下知鄭君所寶尤瓌奇攜來當晝不得臥一  
府傳看黃琉璃體堅色淨又藏節盡眼凝滑無瑕疵法曹  
貧賤衆所易腰腹空大何能為自從五月困暑濕如坐深  
甑遭蒸炊手磨袖拂心語口慢膚多汗真相宜日暮歸來  
獨惆悵有賣直欲傾家資誰謂故人知我意卷送八尺含  
風漪音呼奴掃地鋪未了光彩照耀驚童兒青蠅側翅蚤  
蟲避肅肅疑有清颼吹倒身甘寢百疾愈却願天日恒炎

曦明珠清玉不足報贈子相好無時衰

豐陵行

羽衛煌煌一百里曉出都門葬天子羣臣雜沓馳後先宮  
官穰穰來不已是時新秋七月初金神按節炎氣除清風  
飄飄輕雨灑偃寒旂旆卷以舒逾梁下坂笳鼓咽音嶼  
聳遂走玄宮閣哭聲訇音宏天百鳥噪幽坎晝閉空靈輿  
皇帝孝心深且遠資送禮備無贏餘設官置衛鑣嬪妓供  
養朝夕象平居臣聞神道尚清淨三代舊制存諸書莫藏  
廟祭不可亂欲言非職知何如元年在京師為國子博士時作此詩可見其

遊青龍寺贈崔太補闕

秋灰初吹季月管日出卯南暉景短友生招我佛寺行正

查云如字當作柳



值萬株紅葉滿光華閃壁見神鬼赫赫炎官張火傘然雲  
燒樹火膏駢金鳥下啄赫蠃虵卵魂翻眼倒忘處所赤氣  
冲融無間斷有知流傳上古時九輪照燭乾坤早二三道  
士席其間靈液屢進頗黎盃音忽驚顏色變韶稚却信靈  
僊非怪誕桃源迷路竟茫茫棗下悲歌徒纂纂前年嶺隅  
鄉思發躑躅成山開不筭去歲羈帆湘水明霜楓千里隨  
歸伴猿呼鼯嘯鷓鴣啼側耳酸腸難濯澣思君攜手安能  
得今者相從敢辭懶由來鈍駘音寡參尋况是儒官飽閒  
散惟君與我同懷抱鉅去陵谷置平坦年少得途未要忙  
時清諫疏尤宜罕何人有酒身無事誰家多作門叩款須  
知節候即風寒幸及亭午猶妍暖南山逼冬轉清瘦刻畫

圭角出崖巖音當憂復被冰雪埋汲汲來窺誠遲緩

贈崔立之評事

崔侯文章苦捷敏高浪駕天輪不盡曾從關外來上都隨  
身卷軸車連軫朝為百賦猶鬱怒暮作千詩轉澆紫搖毫  
擲簡自不供頃刻青紅浮海蜃音才豪氣猛易語言往往  
蛟螭雜螻蛄知音自古稱難遇世俗乍見那妨哂勿嫌法  
官未登朝猶勝赤尉長趨尹時命雖乖心轉壯技能虛富  
家逾窘念昔塵埃兩相逢爭名齟齬持矛楯子特專場誇  
甯距余始張軍嚴鞬音鞞音引爾來但欲保封疆莫學龐涓  
怯孫臏竄逐新歸厭聞開齒髮早衰嗟可閔頻蒙怨句刺  
棄遺豈有閒官敢推引深藏篋笥時一發戰戰已多如束



箚可憐無益費精神有似黃金擲虛牝當今聖人求侍從  
拔擢杞梓收栢音箭箭音箭東馬嚴徐已奮飛枚臯即召窮且  
恐復聞王師西討蜀霜風冽冽摧朝音箭箭走章馳檄在得  
賢燕雀紛拏要鷹隼竊料二塗必處一豈比恒人長蠢蠢  
勸君韜養待徵招不用雕琢愁肝腎牆根菊花好沽酒錢  
帛縱空衣可準暉暉簷日暖且鮮撼山責井梧疎更殞  
高士例須憐麴蘖丈夫終莫生哇吟能來取醉任喧呼死  
後賢愚俱泯泯

送區弘南歸

穆昔南征軍不歸蟲沙猿鶴伏以飛洶洶洞庭莽翠微九  
疑鑿天荒是非野有象犀水貝璣分散百寶人士稀我慆

貞元五年冬以  
補洛山明年冬以  
去如云自周圓

于南日周圍來見者衆莫依稀爰有區子熒熒暉觀以繇  
訓或從違我念前人譬葑菲落以斧引以繹音黠雖有不  
逮驅駢駢或採于薄漁于磯服役不辱言不譏從我荊州  
來京畿離其母妻絕因依嗟我道不能自肥子雖勤苦終  
何希王都觀音闕雙巍巍騰蹋衆駿事鞍鞵佩服上色紫  
與緋獨子之節可嗟唏母附書至妻寄衣開書拆衣淚痕  
晞雖不勅還情庶幾朝暮盤羞側庭闈幽房無人感伊威  
人生此難餘可祈子去矣時若發機蜃沈海底氣昇罪彩  
雉野伏朝扇輦處子窈窕玉所妃苟有令德隱不腓音况  
今天子鋪德威蔽能者誅薦受襪出送撫背我涕揮行行  
正直慎脂韋業成志樹來頎頎音補我當爲子言天扉



查東坡云此詩  
歌名命官余以磨  
為身官始文始有  
用宿直事

查東坡云此詩  
六韻通用

三星行

我生之辰月宿南斗。牛奮其角箕張其口。牛不見服箱斗  
不挹酒漿箕獨有神靈。無時停簸揚無善名已聞無惡聲  
已謹名聲相乘除得失少有餘。三星各在天什伍東西陳  
嗟汝牛與斗汝獨不能神

剥啄行

剥剥啄啄有客至門。我不出應客去而嗔。從者語我子胡  
為然。我不厭客困于語言欲不出納以堙其源。空堂幽幽  
有桔音有莞九音門以兩板叢書於間。窅窅音深塹其墉甚  
完。彼寧可噉此不可干。從者語我嗟子誠難。子雖云爾其  
口益蕃。我為子謀有萬其全。凡今之人急名與官。子不引

去與為波瀾。雖不開口雖不開關。變化咀嚼有鬼神。今  
去不勇其如後艱。我謝再拜汝無復云。往追不及來不有  
年

青青水中蒲

青青水中蒲。下有一雙魚。君今上隴去。我在與誰居。

青青水中蒲。長在水中居。寄語浮萍草。相隨我不如。

青青水中蒲。葉短不出水。婦人不下堂。行子在萬里。

孟東野失子并序

東野連產三子不數日輒失之。幾老念無後以悲其友人  
昌黎韓愈懼其傷也。推天假其命以喻之。

失子將何尤。吾將上九天。女實主下人。與奪一何偏。彼於



女何有乃令蕃且延此獨何罪辜生死旬日間上呼無時  
聞滴地淚到泉地祇爲之悲瑟縮久不安乃呼大靈龜騎  
雲欵天門問天主下人薄厚胡不均天曰天地人由來不  
相關吾懸日與月吾繫星與辰日月相噬齧星辰踣躡而  
顛吾不女之罪知非女由因且物各有分孰能使之然有  
子與無子禍福未可原魚子滿母腹一一欲誰憐細腰不  
自乳舉族長孤鰥鴟梟啄母腦母死子始翻蝮蛇生子時  
坼裂腸與肝好子雖云好未還恩與勤惡子不可說鴟梟  
蝮蛇然有子且勿喜無子固勿歎上聖不待教賢聞語而  
遷下愚聞語惑雖教無由悛大靈頓頭受即日以命還地  
祇謂大靈女往告其人東野夜得夢有夫玄衣中闖趨然

入其戶三稱天之言再拜謝玄夫收悲以歡恬

陸渾山火和皇甫湜用其韻

蓋云此種抄漏只應讓  
先生獨步及人不該  
以亦不必字也

皇甫補官古賈渾時當玄久澤乾源山狂谷狼相吐吞風  
怒不休何軒軒擺磨出火以自燔有聲夜中驚莫原天跳  
地踔顛乾坤赫赫上昭窮崖垠截然高周燒四垣神焦鬼  
爛無逃門三光弛墮不復嗽音虎能麋豬逮猴猿水龍鼉  
龜魚與黿鴉鴟鷹雉鴟鴞燭音前包煨燧音刀孰飛奔祝  
融告休酌卑尊錯陳齊政音海歸華園芙蓉披猖塞鮮繁千  
鍾萬鼓咽耳喧攢雜啾音噓音沸箴墳形幢絳旃紫音旛  
炎官執屬朱冠音輝音綵音其肉皮通脍音脣音頰音曾音墜腹  
車掀轉音緹音顏音鞞音股豹兩韃音雷車紅矧日轂輻丹裝

皆係杜林贈之詩身  
房也周礼小司徒云伐  
各登其類主象象類  
大也云字其美也象  
宜此云字其美也象  
果字其美也

野火



與之男安強強自設  
服者休以此設為私  
實家以術之學官  
保之家強強王款  
考肩服者謂肩与足  
跟考胸相連種之  
初項空冥又臣失  
抄之狀

杭本女作夫口洪子  
火之子也火女也水男  
起才女也為子也  
曰女子也  
自火行于天以下九句  
皆上帝勸慰水神之  
辭云不必以火燒仇  
謂五行將勝之也

縹七緇蓋緋緋紅帷赤幕羅帳音騰音也波風肉  
陵屯唵呀墟加鉅壑頗黎盆豆登五山瀛四鐔鹿鹿醜肝  
切壽笑語言雷公擘山海水翻齒牙嚼齧舌脣反縮電光  
礮先念礮徒念頰目睽音瑯真收威避玄根斥棄輿馬背  
厥孫縮身潛喘拳肩跟君臣相憐加愛恩命黑螭偵鑿焚  
其元天闕悠悠不可援夢通上帝血面論側身欲進叱於  
閻帝勳九河前箭涕痕又詔巫陽反其魂徐命之前問何  
窈火行於冬古所存我如禁之絕其殮如丁婦玉傳世婚  
一朝結讐奈後昆時行當反慎藏躡視桃著花吓小寒月  
及申酉利復怨助汝五龍從九鯤溺厥邑囚之崑崙皇甫  
作詩止睡昏辭誇出真遂上焚要余和增怪又煩雜欲悔

舌不可捫

自取冥心或云冥心水火相射相濟之說

縣齋讀書

負元平年在陽山真書作

出宰山水縣讀書松桂林蕭條捐末事邂逅得初心哀抗  
醒俗耳清泉潔塵襟詩成有共賦酒熟無孤斟青竹時默  
釣白雲日幽尋南方本多毒北客恒懼侵謫譴甘自守滯  
留愧難任投章類編帶佇苔逾兼金

新竹

筍添南塔竹日日成清悶縹節已儲霜黃苞猶揜翠出欄  
抽五六當戶羅三四高標陵秋嚴貞色奪春媚稀生巧蒲  
林併出疑爭地縱橫乍依行爛漫忽無欠風枝未飄吹露  
粉先涵淚何人可攜詭清景空澄視



晚菊

少年飲酒時踴躍見菊花今來不復飲每見恒咨嗟佇立  
摘滿手行行把歸家此時無與語棄置奈悲何

落齒

去年落一牙今年落一齒俄然落六七落勢殊未已餘存  
皆動搖盡落應始止憶初落一時但念豁可耻及至落二  
三始憂衰即死每一將落時慄慄恒在已又牙妨食物顛  
倒怯漱水終焉捨我落意與崩山比今來落既熟見落空  
相似餘存二十餘次第知落矣儻常歲落一自足支兩紀  
如其落併空與漸亦同指人言齒之落壽命理難恃我言  
生有涯長短俱死爾人言齒之豁左右驚諦視我言莊周

查云昔時有牙已如白話  
湖明心酒一著章法不  
亦

云水鴈各有喜語訛默固好嚼廢軟還美因歌遂成詩持  
用託妻子

哭楊兵部疑陸欽州參

人皆期七十纔半豈蹉跎併出知己淚自然白髮多晨興  
為誰慟還坐久滂沱論文與晤語已矣可如何

苦寒大星之畏難測此當因乃置程取先程而已女下在後所宜在易以善文未謂天

四時各平分一氣不可兼隆冬奪春序顛項固不廉太昊  
弛維綱畏避但守謙遂令黃泉下萌芽天勾尖草木不復  
抽百味失苦甜凶飈攪宇宙鏃刃甚割石音日月雖云尊  
不能活烏蟾羲和送日出恆怯頻窺覬音日廉炎帝持祝融  
呵噓不相炎而我當此時恩光何由沾肌膚生鱗甲衣被

陸資先陸宗不復委  
叔于下宰相充任行  
文右也色活身倚信  
此非延齡李詩運  
王招李定案批理  
集年僅其叔傳人主  
涉所以祖史時愛航  
亦抗之獲當國以如  
四竹博士頁元九  
年者作



香云西去雨思

森連日後屋身寒  
梳去後謂的自字眼

如刀鑱氣寒鼻莫歟血凍指不拈濁醪沸入喉口角如銜  
箝將持七箸食觸指如排籤侵鑪不覺暖熾炭屢已添探  
湯無所益何況續與縑虎豹僵穴中蛟螭死幽潛炭惑喪  
纏次六龍冰脫髯芒矐暗大包內生類恐盡殲啾啾窻間  
壘不知已微纖舉頭仰天鳴所願晷刻淹不如彈射死却  
得親魚燻鸞皇苟不存爾罔不在占其餘蠢動儔俱死誰  
恩嫌伊我稱最靈不能女覆苦悲哀激憤歎五藏難安恬  
中宵倚牆立滯淚何漸漸暗天王哀無辜惠我下顧瞻寒  
旒去耳續調和進梅鹽賢能口登御黜彼傲與檢生風吹  
死氣豁達如褰簾懸乳零落墮辰光入前簷雪霜頓銷釋  
土脉膏且黏豈徒蘭蕙榮施及艾與兼日葦行鏗鏘風條

坐檐檐

處占

天乎苟其能吾死意亦厭

和虞部盧四酬翰林錢七赤藤杖歌

赤藤為杖世未窺臺郎始攜自滇池滇王掃宮避使者跪  
進再拜語嗚咽骨吟繩橋柱過免傾墜性命造次蒙扶持  
途經百國皆莫識君臣聚觀逐旌麾共傳滇神出水獻赤  
龍拔鬚血淋漓又云羲和操火鞭瞋到西極睡所遺幾重  
包裹白題署不以珍怪誇荒夷歸來捧贈同舍子淨光照  
手欲把疑空堂晝眠倚牖戶飛電著壁搜蛟螭南宮清深  
禁闈密唱和有類吹埙簫妍辭麗句不可繼見寄聊且慰  
分司公時方司東都

崔十六少府攝伊陽以詩及書見投因酬三十韻

東坡以錢挂杖者  
亦有云歌聲快  
覆畫畫眼馳化此  
自中為一足



臺身控控切見其  
情不後也早沒食後金  
有味思臨連行不竟  
長冗恢元白為之未  
免涉國易矣

唐文公孫崔君必言將以  
豬鹿野鮮餉公之何詩  
是幻物云甚戲漢方西賦  
侍有羞賦之強顏注云  
注之幻同注之注時以  
國子府古之東都也

食蔡直動鶴以步  
致豬鹿并味之

臺身控控切見其

崔君初來時相識頗未慣但聞赤縣尉不比博士慢賃屋  
得連牆往來忻莫聞我時亦新居觸事苦難辦蔬飧要同  
喫破襖請來綻謂言安堵後貸借音迹更何患不知孤遺多  
舉族仰薄宦有時未朝餐得米日已晏隔牆聞謹呼衆口  
極鵝薦前計頓乖張居然見真贗嬌兒好眉眼袴脚凍兩  
音切下晏捧書隨諸兒累累音雷兩角音切冬惟茹寒壘秋  
始識瓜瓣問之不言饑飢若厭芻豢才名三十年久合居  
給諫白頭趨走裏閉口絕謗訕府公舊同袍拔擢宰山澗  
寄詩雜詠俳音切步昔有類說鵬鷄上言酒味酸冬衣竟未撰  
音下言人吏稀惟足彪與彪音棧又言致豬鹿此語乃善幻  
三年國子師腸肚習藜藿况住洛之涯音房鱗音才本可單

汕音訓肯效屠門嚼久嫌弋者篡謀拙日焦拳活計似鋤刻  
鑿男寒盡詩書妻瘦剩腰襷音瞻為官不事職厥罪在欺設  
行當自効去漁釣老改音切歲窮寒氣驕冰雪滑磴棧  
音問難屢通何由覲清盼

送侯參謀赴河中幕

按時林五傳碑碑身八年前進去九碑  
詳又同官字者皆上健助者六月之司東都布

憶昔初及第各以少年稱君願始生鬚我齒清如冰爾時  
心氣壯百事謂已能一別詎幾何忽如隔晨興我齒豁可  
鄙君顏老可憎相逢風塵中相視迭嗟矜幸同學省官未  
路再得朋東司絕教授遊宴以為恒秋漁蔭密樹夜博然  
明燈雪逕抵樵與風廊折談僧陸渾桃花間有湯沸如蒸  
三月松少步躑躅紅千層洲沙厭晚坐嶺壁窮晨昇沉宜



元和九年九月  
度使王德用檢校司徒  
石河中尹河中府  
兼御史大夫檢校  
太子少師兼太子  
少傅兼太子少  
師

唐元化時學書記  
子平奉功不食此言  
矣

公時言致事即生書可  
之林公行云自江陵攝入  
為國子博士宰相有愛  
以文將將以文為相  
身先如潘公三終及雅  
遂亦同東都公所以  
以有禮親和等之說

不計日為樂不可勝遷滿一已異乖離坐難憑行行事結  
束人馬何踦其畧騰感激生膽勇從軍豈嘗曾洗洗音司  
徒公天子爪與朕提師十萬餘四海欽風稜河北兵未進  
蔡州帥新薨曷不請掃除活彼黎與丞鄙夫誠怯弱受恩  
愧徒弘猶思脫儒冠棄死取先登又欲面言事上書求詔  
徵侵官固非是妄作譴可懲惟當待責免耕斲歸溝壑音  
今君得所附勢若脫鞴音鴈檄筆無與讓幕謀職其膺收  
績開史牒翰飛逐滇鵬男兒貴立事流景不可乘歲老陰  
沴音作雲頽雪翻崩別袖拂洛水征車轉嶠陵勤勤酒不  
進勉勉恨已仍送君出門歸愁腸若牽繩默坐念語笑疑  
如遇寒蠅策馬誰可適晤言誰為應席塵惜不掃殘罇對

空凝信知後會時日月屢環迴音生期理行役歡緒絕  
難承寄書惟在頻無悵簡與繒

東都遇春

少年氣真狂有意與春競行逢二三月九州花相映川原  
曉服鮮桃李晨粧靚荒乘不知疲醉死豈辭病飲噉徒感  
惟所便文章倚豪橫爾來曾幾時白髮忽滿鏡舊游喜乖  
張新革足嘲評音心腸一變化羞見時節盛得聞無所作  
貴欲辭視聽深居疑避仇默臥如當瞑朝曦入牖來鳥喚  
昏不醒為生鄙計筭鹽米告屢罄坐疲都忘記冠側懶復  
正幸蒙東都官獲離機與弄乖慵遭傲僻漸染生弊性既  
去焉能追有來猶莫聘有船魏王池往往縱孤泳水容與



天色此處皆綠淨岸樹共紛披渚牙相緯經緯懷歸苦不  
果卽事取幽逆貪求匪名利所得亦已併悠悠度朝昏落  
落捐季孟羣公一何賢上戴天子聖謀謨收禹績四面出  
雄勁轉輸非不勤稽逋有軍令在庭百執事奉職各祗敬  
我獨胡爲哉坐與億兆慶譬如籠中鳥仰給活性命爲詩  
告友生負愧終究竟

感春五首

辛夷高花最先開青天露坐始此迴已呼孺人憂鳴瑟更  
遣稚子傳清杯選壯軍興不爲用坐狂朝論無由辭如今  
到死得聞處還有詩賦歌康哉  
洛陽東風幾時來川波岸柳春全迴宮門鎖不復啓雖

元和初年討賊誄節  
度侯王承宗  
是年彭義軍節  
度侯吳元誠卒  
裴度以河南府中常  
官爲起居舍人盡備  
孔戣皆爲誄議矣  
關勳相繼也

元和軍杜黃裳何  
尹十月無恙春年  
孔戣以衛尉寺丞  
分司在都五年正月  
將活賊以之陽泉  
子女身爲一平山  
相尋滑此

存九陌無塵埃策馬上橋朝日出樓闕赤白正崔嵬孤吟  
屢闕莫與和寸恨至短誰能裁

春田可耕時已催王師北討何當迴放車載草農事濟戰  
馬苦饑誰念哉蔡州納節舊將死起居諫議聯翩來朝廷  
未省有遺策肯不垂意餅與鬮

前隨杜尹拜表迴笑言溢口何歡咄呼來孔丞別我適臨

汝風骨峭峻遺塵埃音容不接祗隔夜凶計詎可相尋來  
天公高居鬼神惡欲保性命誠難哉

辛夷花房忽全開將衰正盛須頻來清晨輝輝燭霞日薄  
暮耿耿和煙埃朝明夕暗已足歎况乃滿地成摧頽迎繁  
送謝別有意誰肯留念少環迴



相公鄭維慶元和元年罷相出為河南尹  
所生世度元和初度  
密疏言和悻悻官去為  
河南府少府

酬裴十六功曹巡府西驛塗中見寄

相公罷論道聿至活東人。御史坐言事作吏府中塵。遂令  
河南治今古無儔倫。四海日富庶道途隘蹄輪。府西三百  
里候館同魚鱗。相公謂御史勞子去自巡。是時山水秋光  
景何鮮新哀鴻鳴清耳。宿霧寒高旻遺我行旅。詩軒軒有  
風神譬如黃金盤。照耀荆璞真。真我來亦已幸。事賢友其仁。  
持竿洛水側孤坐屢窮辰。多才自勞苦無用祇因循。辭免  
期匪遠行行及山春。

燕河南府秀才

得生字

房文子云後漢云元和五年冬房公尹東京房公尹  
房公尹時為河南尹公附為河南尹令故曰泰泉尹  
房公尹時為河南尹公附為河南尹令故曰泰泉尹

吾皇紹祖烈天下再太平。詔下諸郡國歲貢鄉曲英。元和  
五年冬房公尹東京功曹上言公是月當登名乃選二十

香云大識法

縣試官得鴻生羣儒負巴杵相賀簡擇精怒起簸羽翮引  
吮吐鏗轟此都自周公文章繼名聲自非絕殊尤難使耳  
目驚今者遭震薄不能出聲鳴鄙夫忝縣尹愧慄難為情  
惟求文章寫不敢妬與爭還家救妻兒具此煎魚烹柿紅  
蒲萄紫肴果相扶檠芳茶出蜀門好酒濃且清何能充歡  
燕庶以露厥誠昨聞詔書下權公作邦楨文人得其職文  
道當大行陰風攪短日冷雨澁不晴勉哉戒徒馭家國渾

音子榮

送李翱

翱字習之臨西人貞元二十一年翱公兄命之元初三年四月翱公  
于後出為廣州刺史存南節度使表翱佐女府四年己酉自東都往善  
姓名記別布教有此詩

廣州萬里途山重江逶迤行行何時到誰能定歸期揖我  
出門去顏色異恒特雖云有追送足跡絕自茲人生一世



間不白張與施譬如浮江木縱橫豈自知寧懷別時苦勿作別後思

送石處士赴河陽幕

長把種樹書人云避世士忽騎將軍馬自號報恩子風雲入壯懷泉石別幽耳鉅鹿師欲老常山險猶恃豈惟彼相憂固是吾徒取去去事方急酒行可以起

送湖南李正字歸

長沙入楚深洞庭值秋晚人隨鴻鴈少江共蒹葭遠歷歷余所經悠悠子當返孤遊懷耿介旅宿夢婉婉風土稍殊音魚蝦日異飯親交俱在此誰與同息偃韓文卷之四終

常山鎮州今為真定府元和初年李度依王承宗反詔中人吐突承璀以兵討之名如遂殺王承宗

韓文卷之五

古詩

辛卯年雪

元和六年春寒氣不肯歸河南二月末雪花一尺圍崩騰相排拶雜音龍鳳交橫飛波濤何飄揚天風吹旛旂白帝盛羽衛參音髮參音沙音振裳衣白霓先啓途從以萬玉妃翕翕陵厚載譁譁弄陰機生平未曾見何暇議是非或云豐年祥飽食可庶幾善禱吾所慕誰言寸誠微

醉留東野

昔年因讀李白杜甫詩長恨二人不相從吾與東野生並世如何復躡二子蹤東野不得官白首誇龍鍾韓子稍姦



點自慚青蒿倚長松。低頭拜東野。願得終始如駟螭。東野不迴頭。有如寸筵撞鉅鍾。我願身為雲。東野變為龍。四方上下逐東野。雖存離別無由逢。

李花二首

平日入西園。梨花數株若矜夸。旁有一株李。顏色慘慘似含嗟。問之不肖道。所以獨繞百巾至。日斜忽憶前時經。此樹正見芳意初萌芽。奈何赴酒不省錄。不見玉枝攢霜葩。泫然爲汝下雨淚。無由反旆羲和車。東風來吹不改顏。蒼茫夜氣生相遮。冰盤夏薦碧實脆。斥去不御慚其花。當春天地爭奢華。洛陽園苑尤紛拏。誰將平地萬堆雪。剪刻作此連天花。日光赤色照未好。明月暫入都交加。夜領

張徹投盧仝乘雲共至玉皇家。長姬香御四羅列。綺裙練幌無等差。靜濯明糝有所奉。顧我未肯置齒牙。清寒瑩骨肝膽醒。一生思慮無由邪。

招揚之罌

柏生兩石間。萬歲終不大。野馬不識人。難以駕車蓋。柏移就平地。馬羈入廐中。馬思自由悲。柏有傷根容。傷根柏不死。千丈日以至。馬悲罷還樂。振迅矜鞍轡。之罌。音南山來。文字得我驚。館置使讀書。日有求歸聲。我令之罌歸。失得柏與馬之罌。別我去。計出柏馬下。我自之罌歸。入門思而悲。之罌別我去。能不思我爲灑掃。縣中居。引水經竹間。躡譚所不及。何異山中閒。前陳百家書。食有肉與魚。先王遺

馬入廐中謂去聲屬之  
習而報我馳驅者  
或之罌之意



文章綴緝實在余禮稱獨學陋易貴不遠復作詩招之  
晨夕抱饑渴

寄盧全

元和九年春盧全在洛陽今作全州山不詳時洛陽有高守邦歸唐書  
尹孝素全皆見水北謂石洪水南謂溫浩皆往河陽幕

玉川先生洛城裏破屋數間而已矣一奴長鬚不裹頭一  
婢赤脚老無齒辛勤奉養十餘人上有慈親下妻子先生  
結髮憎俗徒閉門不出動一紀至令鄰僧乞米送僕忝縣  
尹能不取俸錢供給公私餘時致薄少助祭祀勸參留守  
謁大尹言語纒及輒掩耳水北山人得名聲去年去作幕  
下士水南山人又繼往鞍馬僕從塞閭里少室山人索價  
高兩以諫官徵不起彼皆刺口論世事有力未免遭驅使  
先生事業不可量惟用法律自繩已春秋三傳束高閣獨

重云信然此種有  
身古

抱遺經究終始往午弄筆嘲同異怪辭驚衆謗不已近來  
自說尋坦途猶上虛空跨綠驂去年生兒名添丁意令與  
國充耘耔音子國家丁口連四海豈無農夫親耒耜先生抱  
才終大用宰相未許終不仕假如不在陳力列立言垂範  
亦足恃苗裔當蒙十世宥豈謂貽厥無基陟故知忠孝生  
天性潔身亂倫安足擬昨晚長鬚來下狀隔牆惡少惡難  
似每騎屋山下窺闕渾舍驚怕走折趾憑依婚媾欺官吏  
不信令行能禁止先生受屈未曾語忽此來告良有以嗟  
我身為赤縣令操權不用欲何俟立召賊曹呼伍伯盡取  
鼠輩尸諸市先生又遣長鬚來如此處置非所喜况又時  
當長養節都邑未可猛政理先生固是余所畏度量不敢



窺涯淡放縱是誰之過歟效尤戮僕愧前史買羊沽酒謝  
不敏偶逢明月曜桃李先生有意許降臨更遣長鬚致雙  
鯉

酬司門盧四兄雲夫院長望秋作

長安雨洗新秋出極目寒鏡開塵面終南曉望躡龍尾倚  
天更覺青巉巖祖銜自知短淺無所補從事久此穿朝衫  
歸來得便即遊覽暫似壯馬脫重御曲江荷花蓋十里江  
湖生自思莫緘樂遊下矚無遠近綠槐萍合不可及白首  
寓居誰借問平地寸步局雲巘雲夫吾兄有狂氣嗜好與  
俗殊酸鹹日來省我不肯去論詩說賦相誦誦辭望秋一  
章已驚絕猶言低抑避謗讒若使乘酣騁雄怪造化何以

當鐫對嗟我小生值強伴快膽變勇神叩鑿馳坑跨谷終  
未悔為利而止真貪饒高揖羣公謝名譽遠追甫白感至  
誠樓頭完月不共宿其奈就缺行撒撒

誰氏子

非癡非狂誰氏子去入王屋稱道士白頭老母遮門啼挽  
斷衫袖留不止翠眉新婦年二十載送還家哭穿市或云  
欲學吹鳳笙所慕靈妃媿蕭史又云時俗輕尋常力行險  
怪取貴仕神僊雖然有傳說知者盡知其妄矣聖君賢相  
安可欺乾死窮山竟何俟嗚呼余心誠豈弟願往教誨究  
終始罰一勸百政之經不從而誅未晚爾誰其友親能哀  
憐寫吾此詩持送似

呂氏子吳河南人元和中  
大妻甚貴王服謝母曰  
學仙王屋山去却自後出  
見河南少尹李素立  
府內後衣穿脫道服於  
冠帶送村多母以謝為河  
南令作此詩有願往誨  
不接而誅之語蓋見其  
此詩之可見李素妻



河南令舍池臺

灌地纒盈五六丈築臺不過七八尺欲將層級厭離落未  
許波瀾量斗碩規摹雖巧何足誇景趣不遠真可惜長令  
人吏遠趨走已有蛙黽助狼籍

送無本師歸范陽

無本於為文身大不及膽吾嘗示之難勇往無不敢蛟龍  
弄角牙造次欲手攬衆鬼囚大幽下覩襲玄窗音炎天陽熙  
四海注視首領鯨鵬相摩翠音雨舉快一噉夫豈能必  
然固已謝黯烏敢黥音炎狂詞肆涉能低昂見舒慘姦窮怪  
變得徃徃造平澹蜂蟬碎錯繡綠池披茵蔕芝英擢荒蕪  
孤翮起連奕班敢家住幽都遠未識氣先感來尋吾何能

查云吾嘗示之難十可憐駢  
丁乞只是替天胆大耳取象  
之奇押韻之確自當使五  
千載

查云有以可方知長江不  
日息才

查云謹正公自  
地步

無殊嗜昌歎祖感切始見洛陽春桃枝綴紅糝遂來長安里  
時封轉習坎老懶無關心久不事鈇槩欲以金帛酬舉室  
常顧增音領念當委我去霜雪刻以懔音擗音騰攬空衢天地與  
頓撼勉率吐歌詩慰女別後覽

石鼓歌

張生手持石鼓文勸我試作石鼓歌少陵無人謫僊死才  
薄將奈石鼓何周網陵遲四海沸宣王憤起揮天戈大開  
明堂受朝賀諸侯劔珮鳴相磨蒐于岐陽騁雄俊萬里禽  
獸皆遮羅鐫功勒成告萬世鑿石作鼓噏嗟峨從臣才藝  
咸第棟異撰刻留山阿雨淋日炙野火燎鬼物守護頽  
搗呵公從何處得紙本毫髮盡備無差訛辭嚴義密讀難



曉字體不類隸與科年深豈免有缺畫快劍斫斷生蛟鼉  
鷲翔鳳翥衆僊下珊瑚碧樹交枝柯金繩鐵索鎖鈕壯古  
鼎躍水龍騰梭陋儒編詩不收入二雅編自無委蛇孔子  
西行不到秦倚音撫星宿遺羲娥嗟予好古生苦晚對此  
涕淚雙滂沱憶昔初蒙博士徵其年始改稱元和故人從  
軍在右輔爲我量度掘曰科濯冠沐浴告祭酒如此至寶  
存豈多氈包席裏可立致十鼓祇載數駱駝薦諸太廟比  
郛鼎光價豈止百倍過聖恩若許留太學諸生講解得切  
磋觀經鴻都尚填咽坐見舉國來奔波剗苔剔鮮露角  
安置妥帖平不頗大厦深簷與蓋覆經歷久遠期無他中  
朝大官老於事詎肯感激徒媿音嬰阿牧童敲火牛礪角

自注

誰復著手爲摩挲日消月鑠就埋沒六年西顧空吟哦義  
之俗書趨姿媚數紙尚可博白鵝繼周八代爭戰罷無人  
收拾理則那方今太平日無事柄任儒術崇丘軻安能以  
此上論列願借辯口如懸河石鼓之歌止於此嗚呼吾意  
其蹉跎已上概移教之議不更

雙鳥詩

雙鳥海外來飛飛到中州一鳥落城市一鳥集巖幽不得  
相伴鳴爾來三千秋兩鳥各閉口萬象街口頭春風卷地  
起百鳥皆飄浮兩鳥忽相逢百日鳴不休有耳聒皆聾有  
口反自羞百舌舊饒聲從此恒低頭得病不呻喚泯默至  
死休雷公告天公百物須膏油自從兩鳥鳴聒亂雷聲收

朱子以鳥指己之憂  
郊石作落城市已也  
其若出至正約以  
陽秋已有此說



鬼神怕嘲詠造化皆停留草木有微情挑抉說示九州  
蟲鼠誠微物不堪苦誅求不停兩鳥鳴百物皆生愁不停  
兩鳥鳴自此無春秋不停兩鳥鳴日月難旋轉不停兩鳥  
鳴大法失九疇周公不爲公孔丘不爲丘天公怪兩鳥各  
捉一處囚百蟲與百鳥然後鳴啾啾兩鳥既別處閉聲省  
愆尤朝食千頭龍暮食千頭牛朝飲河生塵暮飲海絕流  
還當三千秋更起鳴相酬

贈劉服師

羨君齒牙牢且潔大肉硬餅如刀截我今呀落者多所  
存十餘皆刀斲匙抄爛飯穩送之合口軟嚼如牛飼音妻  
兒恐我生悵望盤中不飢粟與梨祇今年纔四十五後日

懸知漸莽齒朱顏皓頸訝莫親此外諸餘誰更數憶昔  
公仕進初口含兩齒無羸餘虞翻十二比豈少遂自宛限  
形於書丈夫命存百無害誰能點檢形骸外巨縉東鈞儻  
可期與子共飽鯨魚膾

題炭谷湫祠堂

萬生都陽明幽暗鬼所寰嗟龍獨何智出入人鬼間不知  
誰爲助若執造化關厭處平地水巢居插天山列峰若攢  
指石盂仰環環巨靈高其捧保此一掬慳森沉固含蓄本  
以儲陰姪魚鱗蒙擁護羣嬉傲天頑翳翳樓託禽飛飛  
一何閒祠堂像侔眞擢玉紆煙鬢羣怪儼伺候恩威在其  
顏我來日正中悚惕思先還寄立尺寸地敢言來途艱吁

香云東坡詩神藏不  
在陸玉產山自向  
二月五日



陽文云區之刑正傲岸  
不信神道如衡山詩列  
日神能移形為功能聖  
神則日知和神人未聖  
此句曰血生降段時  
源有生氣

香云未可非解

無吹毛刃血此牛蹄殷鳩閉至今乘水旱鼓舞寡與鰥林  
叢鎮宜真窮年無由刪妍英雜豔寶星瑣黃朱班石級皆  
險滑顛躄莫牽攀龍區雖衆碎何與宿已頒棄去可奈何  
吾其死茅管音婚

聽賴師彈琴

呢呢兒女語恩怨相爾汝  
翻然變軒昂勇士赴敵場  
浮雲柳絮無根蒂天地闊遠隨飛揚  
啾啾百鳥羣忽見孤鳳皇  
躋攀分寸不可上失勢一落千丈強  
嗟余有兩耳未省聽  
絲篁自聞賴師彈起坐在一旁推手遽止之  
濕衣淚滂滂  
賴乎爾誠能無以冰炭置我腸

送陸暢歸江南

暢字子通吳郡人  
晉年子任死相中見墓公受佐晉幕

香云東心軍不洋

質之極善曹家所陽現  
悲啼上車女自陸自曹府  
橋接清吳而公在後時  
十七

舉舉江南子名以能詩聞一來取高第官佐東宮軍迎婦  
丞相府誇映秀士羣鸞鳴桂樹間觀者何續紛人事喜顛  
倒旦夕異所云蕭蕭青雲幹遂逐荆棘焚歲晚鴻鴈過鄉  
思見新文踐此秦關雪家彼吳洲雲悲啼上車女骨肉不  
可分感繁都門別丈夫酒方醺我實門下士力薄蚋與蚊  
受恩不卽報永負湘中墳

送進士劉師服東歸

猛虎落檻穿坐食如狐狔音丈夫在富貴豈必守一門公  
心有勇氣公口有直言奈何任聖汰不自求騰軒僕本亦  
進士頗嘗究根源由來骨鯁音喜被軟弱吞低頭受侮笑  
隱忍碑音兀寃泥雨城東路夏槐作雲屯還家雖闕短指



香云卷人以佳其味長

日親晨殮攜持令名歸自足貽家尊時節不可說親交可攀援勉來取金紫勿久休中園

嘲魯連子

魯連細而黠有似黃鸚音子田巴兀老蒼憐汝矜爪嘴開端要驚人雄跨吾厭矣高拱禪鴻聲若輟一杯水獨稱唐虞賢顧未知之耳

魯子之胸此出魯子公多名而公甘以名讓之神讓之鴻也

贈張籍

吾老著讀書餘事不掛眼有兒雖甚憐教示不免簡君來好呼出跟音將音辭越門限懼其無所知見則先愧赧昨因有緣事上馬挿手版留君住廳食使立侍盤饌薄暮歸見君迎我笑而莞指渠相賀言此是萬金產吾愛其風骨粹

香云限字產類亦似

美無可揀試將詩義授如以肉貫弗齧開袪露毫末白得

高寒嗟我身踏丘轉爵位不早縮固宜長有人文章紹編

刻感荷君子德悅若乘朽棧公令吐所記解摘了瑟僂顧

視窗壁問親戚競覘齋滿喜氣排寒冬逼耳鳴現晚如今

更誰恨便可耕灞澗

調張籍

李杜文章在光燄萬丈長不知羣兒愚那用故謗傷蚩暗

蟬音撼大樹可笑不印量伊我生其後舉頸遙相望夜夢

多見之書思反微茫徒觀斧鑿痕不矚治水航想當施手

時巨刃磨天揚垠崖畫崩豁乾坤擺雷碾惟此兩夫子家

居率荒涼帝欲長吟哦故遣起且僵翽翽送籠中使看百

香云世民輕信以  
生沈謀為輩何  
代名之所也杜  
志云尔身身与名  
相感不磨江河流  
去流

籍之辭



天井閣之氣被風吹  
洒洒陽淫則設有  
情似奇

鳥翔平生千萬篇。金薤垂琳琅。僊官敕六丁。雷電下取將。  
流落人間者。太山一豪芒。我願生兩翅。捕逐出入荒。精誠  
忽交通。百怪入我腸。刺音手拔鯨。牙舉瓢酌天漿。騰身跨  
汗漫。不著緇。女襄顧語地上友。經營無太忙。乞君飛霞珮。  
與我高頡頏。

盧郎中雲夫寄示送盤谷子詩兩章。歌以和之。

昔尋李愿向盤谷。正見高崖巨壁爭開張。是時新晴天井  
溢。誰把長劍倚太行。衝風吹破落天外。飛雨白日灑洛陽。  
東蹈燕川食曠野。有饋木蕨芽滿筐。馬頭溪深不可厲。借  
車載過水入箱。平沙綠浪榜音方口。鴈鴨飛起穿垂楊。窮  
探極覽頗恣橫。物外日月本不忙。歸來辛苦欲誰為。坐令

再往之計墮眇。世閉門。長安二月雪。推書撲筆歌慨慷。旁  
無壯士遺屬和。遠憶盧老詩。顛狂開緘忽。親送歸作字。向  
紙上。皆軒昂。又知李侯竟不顧。方冬獨入崔嵬藏。我今進  
退幾時決。十年蠢蠢隨朝行。家請官供不報答。何異雀鼠  
偷太倉。行抽手版付丞相。不待彈劾還耕桑。已上句已  
將降耕

寄皇甫湜

敲門驚晝睡。問報睦州吏。手把一封書。上有皇甫字。拆書  
放牀頭。涕與淚垂四。昏昏還就枕。惘惘夢相值。悲哉無奇  
術。安得生兩翅。

病中贈張十八

中虛得暴下。避冷臥北窗。不蹋曉鼓朝。安眠聽逢逢。音籍

書云世為品女身  
飛樓閣合三務

韓文

卷之五

十一

李已入  
山夫



卷之四下  
亦不自改之

也處閭里抱能未施邦文章自娛戲金石日擊撞龍文百  
斛鼎筆力可獨扛談舌久不掉非君亮誰雙扶几導之言  
曲節初從撻音半塗喜開鑿派別失大江吾欲盈其氣不  
令見麾幢牛羊滿田野解旆束空和傾罇與斟酌四壁堆  
巽缸玄帷隔雪風照鑪釘音明釭夜闌縱押擺音闔哆唱者  
口踈眉兀勢作高陽翁坐約齊楮降音楮連日挾所有形驅  
頓降滄州音將歸乃徐調子言得無咄音脂迴軍與角逐  
斫樹收窮靡雌聲吐款要酒壺綴羊脰君乃崑崙渠籍乃  
嶺頭瀟音郎譬如蟻垤微詎可陵音峭音蛇音江幸願終賜之  
斬拔枿音與椿從此識歸處東流水淙淙音

雜詩

卷之四下  
亦不自改之

古史散左右詩書置後前豈殊蠹書蟲生死文字間古道  
自愚蠢音古言自包纏當今固殊古誰與為欣歡獨攜無  
言子共昇崑崙顛長風飄襟裾遂起飛高圓下視禹九州  
一塵集豪端遨嬉未云幾下已億萬年向者夸奪子萬寶  
厭其巔惜哉抱所見白黑未及分慷慨為悲吟淚如九河  
翻指商相告語雖還今誰親翩然下大荒被髮騎騏驎

寄崔二十六立之

西城員外丞心跡兩屈節往歲戰詞賦不將勢力隨下驢  
入省門左右驚紛披音兀坐試席深叢見孤羸文如翻水  
成初不用意為四座各低面不敢換音眼窺升階揖侍郎  
歸舍日未歇佳句喧衆口考官敢瑕疵連年收科第若摘



穀鳥之弱子廢唐之昏  
响於進少年自得自由及  
任為世所束縛

領底鬚迴首卿相位通途無他歧豈論校書郎袍笏光參  
差童稚見稱說祝身得如斯儕輩婚且熱喘如竹筒吹老  
婦願嫁女約不論財貲老翁不量分累月管其兒攪攪爭  
附許無人角雄雌由來人間事翻覆不可知安有集中敵  
寇插翅飛天陞駒麝迷著爪牙猛虎借與皮汝頭有韁繫  
汝脚有索繫陷身泥溝間誰復稟指撝不脫吏部選可見  
偶與奇又作朝士賤得非命所施客居京城中十日營一  
炊逼迫走巴蠻恩愛座上離昨來漢水頭始得完孤羈桁  
行掛新衣裳盜棄食殘糜苟無饑寒苦那用分高卑憐我  
還好女宦途同險戲每句遺我書竟歲無差池新篇奚其  
忌風幡肆逶迤又論諸毛功劈水看蛟螭雷電生睽明賜

賜  
不偶

查云披字重押格另  
作林

查云

自憐我近好古玉磨波  
寫和秘叙与崔文  
淮云厚

查云里倒一廿

音角音角相撐披屬我感窮窮抱華不能推唱米和札幸况  
歎俾我疵又寄百尺綵緋紅相盛衰巧能喻其誠深淺抽  
肝脾開展放我側方餐涕垂是朋交日周謝存者逐利移  
子寧獨迷誤綴綴意益彌舉頭庭樹豁狂飈卷寒曦迢遞  
山水隔何由應墳箴別來就十年君馬記騶驪長女當及  
事誰助出脫綺諸男皆秀朗幾能守家規文字銳氣在輝  
輝見旌麾摧腸與感容能復持酒卮我雖未耄老髮禿骨  
力羸所餘十九齒飄飄盡浮危玄花著兩眼視物隔徒音  
離音燕席謝不請游鞍懸莫騎敦敦堆音凭書案音譬彼鳥音糝  
且吾聞之師不以物自墮孤豚眠糞壤不慕太廟犧  
君看一時人幾輩先騰馳過半黑頭死陰蟲食枯髓音歡

愛探



香云亭有六品即考先  
生之說也

香云亭有六品即考先  
生之說也

斯字亦在川中

華不滿眼咎責塞兩儀觀名計之利詎足相陪裨仁者耻  
會曾受祿量所宜無能食國惠豈異哀癯罷音皮久欲辭謝  
去休今衆睢睢音况况又嬰疹疾寧保軀不貲不能前死罷  
內實漸神祇舊籍在東都茅屋枳棘籬還歸非無指灞渭  
揚春斯生今耕吾疆死也埋吾坡音此文書自傳道不仗史筆  
垂夫子固吾黨新恩釋銜鞵音此去來俄洛上相待安風音此筆音此  
音我有雙飲觥其銀得朱音此提音此黃金塗物象雕鏤妙工  
倕乃令千里鯨么麼微螽斯猶能爭明月擺掉出渺瀰野  
草花葉細不辯音此蒼音此草音此綠音此施音此絲音此相糾結狀似環城陴  
四隅芙蓉樹擢豔皆猗猗鯨以興音此君身失所逢百罹月  
以喻天道儻勉勵莫樹草木明覆載妍醜齊榮萎願君恒

香月草  
松芙蓉  
塔上  
詩書

御之行止雜燧鱗具日期對舉當如合分支

月蝕詩效玉川子作

元和庚寅斗插子月十四日三更中森森萬木夜僵立寒  
氣肩音此夙音此頑無風月形如白盤完完上天東忽然有物  
來噉之不知是何蟲如何至神物遭此狼狽凶星如撒沙  
出攢集爭強雄油燈不照席是夕吐談如長虹玉川子涕  
泗下中庭獨行念此日月者為天之眼睛此猶不自保吾  
道何由行嘗聞古老言疑是蝦蟇精徑圓千里納女腹何  
處養女百醜形把沙脚手鈍誰使女解緣青冥黃帝有四  
目帝舜重其明今天祇兩目何故許食使偏首堯呼大水  
浸十日不惜萬國赤子魚頭生女於此時若食日雖食八



九無噉雅名赤龍黑鳥燒口熱翎鬣倒側相擔撐婪酣  
大肚遭一飽饑腸徹死無由鳴後時食月罪當死天羅磕  
音檻市何處逃汝刑玉川子立於庭而言曰地行賤臣全再  
拜敢告上天公臣有一寸刃可剗凶墓腸無梯可上天天  
階無由有臣蹤寄牋東南風天門西北祈風通丁寧附耳  
莫漏洩薄命正值飛廉慵東方青色龍牙角何呀呀從官  
百餘座嚼啜煩官家月蝕汝不知安用爲龍窟天河赤鳥  
司南方尾秃翅觜加沙月蝕於汝頭汝口開呀呀蝦蟇  
掠汝兩吻過忍學省事不以汝背啄蝦蟇於菟蹲於西旗  
旄衛參沙音既從白帝祠又食於禘禮有加忍令月被  
惡物食枉於汝口插齒牙烏龜怯姦怕寒縮頸以殼自遮

終令夸蛾狀汝出上師燒銜鑽灼滿板如星羅此外內外  
官瑣細不足科臣請悉掃除慎勿許語令啾譁併光全耀  
歸我月盲眼鏡淨無纖瑕弊蛙狗送主府官帝著下腹嘗  
其蟠依前使免燥杵曰玉階桂樹閒婆娑桓娥還宮室太  
陽有室家天雖高耳屬地感臣赤心使臣知意雖無明言  
潛喻厥旨有氣有形皆吾赤子雖忿大傷忍殺孩稚還女  
月明安行干次盡釋衆罪以挂磔音死

孟生詩

孟生江海士古貌又古心嘗讀古人書謂言古猶今作詩  
三百首盲默咸池音騎驢到京國欲和薰風琴豈識天子  
居九重鬱沉沉一門百夫守無籍不可尋晶光蕩相射旗

老云卿以自操



戟翻以森遷延乍却走驚怪靡自任舉頭看白日泣涕下  
雷襟竭來遊公卿莫肯低華簪諒非軒冕族應對多差參  
萍蓬風波急桑榆日月侵奈何從進士此路轉嶮嶮  
質息處羣孤芳難寄林誰憐松桂性競愛桃李陰朝悲辭  
樹葉夕感歸巢禽顧我多慷慨窮簷時見臨清宵靜相對  
髮白聆苦吟採蘭起幽念眇然望東南秦吳脩且阻兩地  
無數金我論徐方物好古天下欽竹實鳳所食德馨神所  
欲求觀衆丘小必上泰山岑求觀衆流細必泛滄溟深子  
其聽我言可以當所箴既獲則思返無爲久滯滯下和試  
三獻期子在秋砧

射訓狐

有鳥夜飛名訓狐衿凶挾狡誇自呼乘時陰黑止我屋  
勢康既非常巖安然大喚誰畏忌造作百怪非無須聚  
微妖自朋扇擺掉棋柁懸豔慈母抱中怕入席那暇更  
護雞窠雜我念乾坤德泰大卯此惡物常勤劬縱之豈即  
遽有害斗柄行拄西南隅誰謂停奸計如劇意欲唐突  
和鳥侵更歷漏氣彌厲何由僥倖休須更咨余往射豈得  
已候女兩眼張睢盱梟驚墮梁蛇走竇一夫斬頤羣雛枯

將歸贈孟東野房蜀客

蜀客名

君門不可入勢利互相推借問讀書客胡爲在京師舉頭  
未能對閉眼聊自思倏忽十六年終朝苦寒饑宦途竟寥  
落鬢髮坐差池潁水清且寂箕山坦而夷如今便當去咄

斗柄拄西南謂天將明  
此唐突義和鳥謂  
侵淫主上也



咄無自疑

答孟郊

規模背時利。文字覩天巧。人皆餘酒肉。子獨不能飽。纔春思已亂。始秋悲又攪。朝餐動及午。夜諷恒至卯。名聲暫羶腥。腸肚鎮煎燂。啗古心雖自鞭。世路終難拗。弱拒喜張臂。猛挈閒縮爪。見倒誰肯扶。從嗔我須齧。

從仕

居閒食不足。從仕力難任。兩事皆害性。一生恒苦心。黃昏歸私室。惆悵起歎音。棄置人間世。古來非獨今。

短燈檠歌

長檠八尺空自長。短檠二尺便且光。黃簾綠幕朱戶閉。風

查云河漢而喻孫


露氣入秋堂。涼裁衣寄遠。淚眼暗搔頭。頻挑移近牀。大學儒生東魯客。二十辭家來射策。夜書細字綴語言。兩日收。暗昏頭雪白。此時提攜當案前。看書到曉那能眠。一朝富貴還自恣。長檠高張照珠翠。吁嗟世事無不然。牆角君看短檠棄。

送劉師服

夏半陰氣始。浙然雲景秋。蟬聲入客耳。驚起不可留。草草具盤饌。不待酒獻酬。士生為名累。有似魚中鈎。齋財入市賣。貴者恒難售。豈不畏顛顛。為功忌中休。勉哉耘其業。以待歲晚收。

韓文卷之五終





Vertical columns of text, likely bleed-through from the reverse side of the page. The text is arranged in approximately 12 columns, separated by vertical lines. The characters are small and difficult to read due to the bleed-through effect and the watermark overlay.



